

Aus schon öffters gemelter Vrsach, das diss Jahr weniger gesotten worden, derentwillen hat sich auch das Spundgelt vmb 64 fl. 26 kr. gemindert vnnd weillen diss Orths Herkhommen, das von ainem Ganzen Vas 2 kr., von ainem Halben Vas auch 2 kr., ainer Achtl 1 kr. vnnd ainem Spizvässl 2 d. Aufleggelt genommen wirdt, so ain Jahr ins ander

[fol. 66r]

vngefehr bey 1000 fl. trüfft, waruon der Preumaister sambt dennen Eltisten<sup>75</sup> ~~Khnechten~~ mit Einschlus des Oberkhnechts in Arbeith sich befindenten 16 Khnechten *participirn*. Solchemnach wirdet es genedigist anbefolchnermassen hiemit vorgeschriben, darbei aber amtsshalber von Vns souil vnderthenigist erindert, das obiges Auflig- oder Trinckhgelt in 17. Thail geheet vnd mancher Khnecht vill Jahr in Arbeith alda sein mues, bis er in die Verthailung diss Aufleggelts vnder die 16 Khnecht khombt, so ihnen zue *Continuirung* ihres Vleis woll zuuergohnen, beuorab weillen es der Zeit gahr wenig zue dergleichen starkhen Werkh taugliche Khnecht gibt vnnd da ihnen solches wider Verhoffen wurde abgesprochen werdent, ist zu besorgen, das sich khönfftig wenig mehr vmb alhiesige Arbeith beworben wurden, wardurch alsdan bey hailllosen

[fol. 66v]

Khnechten im Sudtwerch sich bald ein Fehler bezaigen, das Euer Churfürstlich Durchlaucht *Interesse* hierunder grossen Schaden leiden khunde etc.

[fol. 67r]<sup>76</sup>

## *Einnamb vmb abgesottnen*

### *Hopfen*

Weillen selbiger dem Preumaister vermög der *de Anno 1678* erthailten Bscheidts *Puncten* als ein Amtsnuzung zuegelassen, ist diss Orths zuuerrechnen

### *Nichts*

<sup>75</sup> Alter Ausdruck für „Ältesten“; GRIMM: Wörterbuch, Buchausgabe, Bd. 1, Sp. 273.

<sup>76</sup> Auch an dieses Blatt war ein Blattweiser geklemmt. Sh. oben, Anm. 2. Der Blattweiser ist abgefallen.